

PÈ I 6-10 ANNI
10 MINUTI
DI LETTURA À GHJORNU

Edizione
2018

le Petit Quotidien

Si n'ampara ogni ghjornu !

A SAI TÙ ?

I Rumani di l'Antichità (periodu chì v'è da a preistoria à 476 dopu à Ghj.C) anu invaditu territorii assai in tornu à u mare Mediterraniu. Si trova vistighe di u so passaghju in Francia. Per esempiu, u ponte di u Gard, in u Meziornu.



Edizione speciale realizzata in cullaburazione cù a Cullettività di Corsica

www.lepetitquotidien.fr

À a scupertu di una cità rumana antica nantu à l'isula di Corsica

Nantu à u situ d'Aleria (Corsica suprana), l'archeolughi facenu ricerche da cunnosce megliu a vita à l'epica di i Rumani.



S. Aude Balloide Photo / CTC 2012

Vista aerea di u situ d'Aleria.

In una cità rumana p. II-III | **Storia di u ghjornu** : Arnesi da ritruv'è e vistighe di u passatu p. III

In prima pagina

In i territorii cunquisti, i Rumani anu custruitu cità nantu à u mudellu di Roma, a capitale di l'Imperu romanu.

• **Hè u casu d'Aleria**, in Corsica suprana, chì hè stata occupata da i Rumani à cuntà da u 259 nanzu à Ghj.C.

• **U situ d'Aleria hè statu scupertu à u XIX^{mu} (19^u) seculu.** Copre 11 ettari : corrisponde à 11 terreni di ballò ! Ma ùn si pò vede per avà chè una piccula parte di a cità antica.

• **Grazia à u so travagliu sopr'à locu, l'archeolughi n'anu amparatu assai digià nantu à sta cità di l'epica romana.** Eccu ne una vista in parte.

A scheda scuperta STORIA

In una città romana

A religione

I Rumani credenu in parechji dii. Li edificheghjanu tempii pè onorà li. Per un dettu in Aleria, anu trovu una scultura di Ghjove, u capu di i dii.

L'abitazione

I Rumani stanu in un *domus* (una casa) o un *insula* (un casale) di petra o di mattone. I balconi ùn anu micca vetru. À spessu i **mosaichi** o l'affreschi coprenu i muri. In Aleria, vistighe d'abitazione sò state trove vicinu à u forum.

A morte

I Rumani interranu i morti in campusanti. Credenu in una vita dopu à a morte : ponenu rigali pè i dii inde e tombe (terrame, giuveli, arme...). In Aleria una lampara à oliu hè stata trova inde una tomba.

A guerra

Per prutesesi da i so nemichi, i Rumani custruianu rampali ingiru à a cità, cun torre è una strada pè i guardii. Omu pò vede e vistighe di issu rampale intornu à Aleria.

L'asgi

À i Rumani li piace à divertisce si. Assistenu à corse di cavalli o di carri, spettaculi di ballu o di ghjuculera, lotte d'animali o di **gladiatori**. In Aleria, ci era un picculu **anfiteatru** per accoglie e feste.

A cità

A vita di a cità s'organizeghja in giru à una piazza maiò : u forum. Hè u core di a cità. Ci si trova edifizii impurtanti (tribunale, tempii...) è cummerci. E strade partenu da stu locu è scumpartenu a cità in « quartieri ». Hè cusì in Aleria.

Poi vede l'uggetti trovi nantu à u situ d'Aleria è altri ancu più anziani in u museu d'Archeologia d'Aleria. Da sapenne di più : www.bit.ly/alerialpdf

A storia di u ghjornu



Certi archeolughi anu adupratu un scanner 3D nantu à u situ di Aleria.

Arnesi da ritruvà più faciule e vistighe di u passatu

Anu evulatu e tecniche di travagliu di l'archeolughi. Per un dettu ponu realizà carte propiu precise di un situ grazia à un apparecchju chjamatu « scanner D ». Adopranu dinù macchine chì indettanu s'è un oghjettu o un edifiziu stà piattatu sottu terra. In Aleria, hè cusì ch'elli anu scupertu a stesa di u situ. Certi archeolughi si ghjovanu ancu di droni, apparecchji chì volanu, da piglià fotò aeree di i siti.

A fotò di u ghjornu



Oghje, si pò vede à nantu à u so urdinatore cumu apparianu tandu i siti archeolugichi. Nantu à sta figura, si vede u tempiu è u forum d'Aleria cum'elli eranu in i so tempi.

Da sapenne di più

L'acqua, in cor' à a cità

I Rumani ùn avianu micca acqua **currente** ! Ùn l'impedia micca di beie, di scucinà o di lavà si. Riguaravanu l'acqua piovana in vasche. In Aleria ci sò vistighe di terme, bagni pubblici induve l'abitanti venianu à bagnà si è à ritruvà si.

E parole difficili



Mosaicu : appiccera di chjappellette di varii culori chì formanu un disegnu.

Gladiatore : omu chì cumbattia altri omi o animali feroci, à l'epica romana.

Anfiteatru : ind'è i Rumani, u teatru di forma tondula à l'aria aperta.
Currente (qui) : chì esce da u rubinettu.

U cantu di i Incollables®



1/ Chì Gallu famosu di figurette hà una passata in Corsica ?

Astérix (Astérix in Corsica).

2/ Vera o falsa ? Oghje Roma hè a capitale di l'Italia (Europa).

Vera.

E passate di Scoupe è Tourbillon : Animali feroci



Testu è disegnu : Philippe Malausséna

Publicità

INSIGNANTI, NE VULETE SAPÈ DI PIÙ ?

Telecaricate u nostru cartulare pedagogicu dedicatu à a scuperta d'Aleria nantu à www.isula.corsica/patrimoine

Stu cartulare hè statu appruntatu pè e scole di CM1 è permette d'accustà cù i vostri sculari e cumpetenze in storia è in storia di l'arti à partesi da l'esempiu d'Aleria.



URGANIZATE E VOSTRE VISITE !

- NANTU À I NOSTRI SITI ARCHEOLOGIGHI :**
 Aleria : 04 95 46 10 92
 Cucuruzzu (Livia) è Cauria (Sartè) : 04 95 51 66 20
- IN I NOSTRI MUSEI D'ARCHEULUGIA :**
 Museu d'Archeulugia d'Aleria : 04 95 57 00 92
 Museu di l'Alta Rocca (Livia) : 04 95 78 00 78
 Museu di Prestoria corsa (Sartè) : 04 95 77 01 09



Direction du Patrimoine
Direzziune di u Patrimoniù

Scopra *Le Petit Quotidien* nantu à lepetitquotidien.playbacpresse.fr

Creazione Éditions Spéciales Play bac - © 2018 - Tel. : 01 53 01 24 02

Capiprugettu : J. Arnaud - Secretaria di redazione : C. Pinault - Redattrice : L. Dobel - Illustradore : F. Kucia - Traduzioni è currezzioni : Direzione di a lingua corsa è Missione bislinguisimu.

Imprimerie : Rotocolor. Origine du papier : Finlande - Taux de fibres recyclées : 0 % - Eutrophisation : Ptot 0,011 kg/tonne.

